

月星斗羣真十方師尊聖眾三界官屬一切
真靈恭望洪慈俯垂昭鑒巨聞八十歲為春
秋咸仰靈椿之永壽九五福齊天地再陳洪
範之嘉言仰瞻

皇極之尊莫罄華封之祝巨等欽逢

聖旦恭奉

綸音 教演沖科儼對威顏之只尺福資

景運用禪忠悃於再三天聽匪遙玄功莫測

願回盼嚮善賜鑒觀寶曆增輝春藹九重之

喜氣金枝衍慶雷同萬國之歡聲歲有豐登

物無疵癘邊域干戈而永戒郊畿麟鳳以翔

翔海晏河清風調雨順則上明

天尊大慈之化下副臣等皈命之誠謹啓以

聞

十二願

存神燒香

香官使者左右龍虎君侍香諸靈官當今臣
向來早朝陞壇行道之所自然生金液丹碧
芝英百靈聚真交會在此香火鑪前當願聖
鑒昭回丹誠感格十方仙童玉女接待蘭煙

傳臣向來所奏之誠速達徑御

至真無極大道三清上聖昊天至尊金闕玉

皇上帝御前

出堂頌 回向

金錄祈壽早朝儀

正一天師清微弟子 洪百堅 製作
道教學術資訊網站

金錄祈壽午朝儀

法事如式

各禮師存念如法

請宣神呪

丹華流映寶芝生光 神精傲幽 散靈八方

宜符攝炁 嘯命朱童 三精敷煥 注我終宮

赤神安鎮 五香溢充 洞映形外 表裏發光

身生水火 獨步飛行 與道合真

鳴法鼓二十四通

無上三天玄元始三炁太上老君名出臣身

中三五功曹左右官使者左右捧香驛龍騎

吏侍香金童傳言散花玉女五帝直符直日

香官各三十六人出出者嚴裝顯服冠帶垂

纓關啓玄壇土地方域神真臣今午朝陞壇

行道朝謁帝真欽奉 其諸丹悃具載絨謄

願得

太上至真道炁靈寶瑞光下降流入臣等身

中令臣所啓之誠速達徑御

至真無極大道三清上聖昊天至尊金闕玉

皇上帝御前

請稱法位

具位臣姓某與臨壇官眾等謹同誠上啓
虛無自然至真無極大道玉清聖境大羅元
始天尊太上道君太上老君昊天至尊玉皇
上帝紫微上宮天皇大帝紫微中宮北極大
帝后土皇地祇玄都萬壽天尊太平護國天
尊福生無量天尊玄都玉京七寶層臺紫微
上宮靈寶至真諸君丈人金闕諸天彌羅眾
聖上相上宰上保上傳少保少傅四師五帝
十二仙卿三十六部尊經玄中大法師三天
大法師日月星官斗府周天宿度河漢星真
南極老人福祿壽星真君
皇帝本命星君帝座照臨星宰三界內外應
感一切真靈臣聞道度洪濛峙三才而並立
神居浩渺由五太以潛分上參乾象之高明
下列坤輿之溥博大梵垂光芒之雲篆至真
示空洞之靈章懸寶籙於空玄振瓊音於寥
廓科傳億劫教啟先天巨等忝與冠裳叨承
教法學識深慚於淺陋包含實賴於寬洪適
逢

聖壽之屆期大闡玄科而致禱皈依九陛恪
盡一誠凡有請祈敢忘關奏欽承

上命爰謹祝釐

華月映瑤光吉慶鍾於顯帝卿雲屬乾象嘉
祥見於唐時南辰司祿筭以延洪北極注年

齡而永久天皇萬八千歲本清靜以長生廣
成千二百年抱坤和而不老時逢

聖誕醮闡真科以今停午陞壇行道請法眾

等運茲初檢上香願此香煙騰空徑上供養

至真無上道寶大羅元始天尊金闕至尊玉

皇上帝無上大羅至真眾聖臣等皈身皈神

皈命首體投地仰依

太上三尊十方眾聖願以是香功德上祝

皇帝陛下伏願道合三皇名高五帝日觀聳

砥宗之頂壽祉巍我天潢接崑崙之源福基

浩渺治定會同於五服勳成響應於八方來

玉帛以居尊合車書而拱極今故燒香自皈

依

師尊大聖眾至真之德得道之後保天長存

和與道合真

和與道合真

書列傳呼天頌有喜瞻紅流之在清列鷲序

以趨朝以今停午陞壇行道請法眾等運茲

二檢上香願此香煙騰空徑上供養

至真無上經寶玉宸靈寶天尊紫微天皇大

帝禹餘天宮真仙聖眾臣等皈身皈神皈命

首體投地仰依

太上三尊十方眾聖願以是香功德上祝

皇帝陛下伏願慶衍九疇

尊居一統執玉帛者來萬國春滿乾坤垂衣

震而撫八紘風清閭闔壽筭等華嵩而末固

福源同溟渤以弘深神相蕃釐天錫純嘏今

故燒香自皈依

師尊大聖眾至真之德得道之後保天長存

和與道合真

大明方中品彙咸蒙於普照真科再濟忱誠

有冀於感通以今停午陞壇行道請法眾等

運茲三檢上香願此香煙騰空徑上供養

至真無上師寶五靈玄老天尊紫微北極大

帝后土皇地祇大赤天宮無邊聖眾臣等皈

身皈神皈命首體投地仰依

和與道合真

太上三尊十方眾聖願以是香功德上祝

皇帝陛下伏願寶曆光華金枝數茂

皇圖世永廣開泰運於八埏

聖壽天齊普洽歡聲於四海嘉祥畢集景福

咸臻今故燒香自皈依

師尊大聖眾至真之德得道之後保天長存

亦與道合真

禮方

懺悔

命魔

三啓

三禮

重稱法位

具位臣姓某謹重誠上啓

三境至尊十華上聖玉京金闕天帝天真日

月星斗羣真十方師尊聖眾三界官屬醮延

設像一切威靈臣聞統馭兩間善算齊天而

不老治隆九有光明如日之方中慶集百祥

茂膺五福垂衣裳而致治修禮樂以化民

尊居南面以趨朝環拱北辰而有象克綏四

海慶衍萬邦妙參贊於神明永其安於宗社

天開壽域日啓玄科潔淨壇場森嚴儀衛歸

心十極瞻仙仗以齊瞻寶福九晴祝

皇圖而水固伏冀丙觀醮禮中飭司存首播

算於青編鑒

宸衷於丹刻五行應軌七曜順蹇六氣和平

甘露零灑於天瑞眾真歡慶慶醴泉融溢於地

靈年赦堂登乾坤交泰恩沾率土德被普天

則上明

天尊大慈之化下副臣等皈命之誠謹啓以

聞

十二願

存神燒香

香官使者左右龍虎君侍者諸靈官當令臣

向來午朝陞壇行道之所自然生金液丹碧

之英百靈眾真交會在此香火鐘前當願精

誠手感

聖壽綿長十方仙童玉女接待蘭煙傳臣向

來所奏之誠速達徑御

至真無極大道三清上聖昊天至尊金闕玉

皇上帝御前

出堂頌

向來

金錄祈壽千秋儀